



薊丘集卷之二十一

五言律詩七十二首

題明上人月幢菴

一徑空林淨透迤曲澗隈禪房春自靜古洞日  
常開月吐從初地泉清徹劫灰雨中花鳥聚知  
為聽經來

和殷從事山居詩二首

自謂生涯薄居然去市朝山空惟鹿豕春遠信  
漁樵舊業增幽僻新詩共寂寥塵情倍惆悵真



媿故人招

二

歎息投閑早清修不可親悲歌忽已老卜築自  
知春聞道逢石髓還能守釣緡故人軒冕好誰  
復勝君貧

送人之塞上二首

近報河西捷氛祲即日平干戈從此懼笳鼓鎮  
常鳴黃石應謀國丹書未解兵俊才還自信詎  
肯老書生

二

雙驂錦障泥遙向朔風嘶猛氣隨戈甲清音著  
鼓鼙孤身鉄嶺外百戰玉關西許國無餘事羞  
言逐馬蹄

送潘子正葬

不謂君方少須臾死別離誰能尋翰墨無復展  
襟期帶月悲啼鴉臨風泣竹枝燕山歸路遠灑  
淚盡分岐

雪後至香嚴峴

八  
獨自尋幽僻，驕寒散暮陰。萬松殘雪淡，一徑野  
雲深。坐愛麝麝迹，堪憐漁釣心。山中香草落，無  
復寄知音。

答吳宜僕

數歲貧交合，幽懷漸不羣。別來成白首，身在有  
青雲。編性難為吏，佳時每羨君。山陰一夜雪，永  
媿北山文。

北山抬頭菴

寒沙遠迢遞，極目自蒼茫。古道無人迹，鍾聲有  
竹房。閒雲隨戶牖，空翠寫衣裳。何處風幡起，塵  
情頓可忘。

即事二首

聞道西寧事，傷殘何太頻。索居還自恨，伐叛定  
誰真。月滿蓬婆塞，風吹朔漠塵。將軍宜致武，多  
少論功臣。

二

草竊何須訝，鴟張詎敢驕。不憂材武士，應念聖  
明朝。鞬幕謀難定，軍儲早見燒。愁多思更苦，起

舞在中宵

至德州

日暮臨津濟，迢遙憶故鄉。  
春流拍岸緩，野草向人芳。  
歷歷悲征騎，蕭蕭戀東裝。  
家園花色早，終歲馬蹄忙。

廬江道中

雨寒初極目，攬轡向回溪。  
楚嶺陰逾秀，江天夕更低。  
林中孤駟暗，霞外亂鶯啼。  
老馬知人意，時臨芳草嘶。

梅心馬獨坐二首

縱陽何處是，萬嶺插雲松。  
白日行方倦，青山望更慵。  
煙虹浮古渡，冷雨擁春峰。  
回首看飛鳥，難禁別思重。

二

獨坐憐僮僕，經時去故鄉。  
千城江色隱，一望楚雲長。  
山氣留朝雨，雞聲帶夕陽。  
接輿寧復在，歌苦為誰狂。

湖口苦雨二首

終日常霖雨虛簷似欲傾愁人自無寐旅夢杳  
難明濤散空江寂舟喧萬嶺鳴魚龍何太喜黯  
黯積孤城

二

緣風雨浙瀝拍岬水田隄漠漠江天黑陰陰嶺  
霧迷盤渦聚紫蛙山溜下丹梯旅思真難托寥  
寥怨漏遲

安仁舟中

疊疊歌雲帆陰陰犯翠微無端村裏笛偏濕客

中衣北望心常苦南征意屢違何如鷗鳥靜終  
日逐人飛

二

遙望鄉溪路炎天浸白波清風催曙早殘月入  
江多困旅烟猶喜幽懷鳥易過寒蟾共孤枕一  
任感青蛾

至弋陽表弟病愈志喜二首

一別鄉園久誰知困旅情貧嗟歸夢媿喜極病  
軀平移棹江山僻容身溟渤清朝朝共幽興不

必問王程

二

誰令甘茲後明君詔大藩身勞寧顧惜弟病幸  
生存憶昨當林箒何堪想故園臨風還挈手歌  
舞出江村

常山放船二首

滿目空城路重開歸客船鳴蟬來碧樹疊嶂接  
青天髮向秋江晚人歸霜月圓飄萍渾見訝相  
逐自年年

二

江天堪獨泛日夕出孤城遙辨重來地誰明夕  
客情雲昏落岼影樹靜散江聲明燭還危坐蕭  
疎萬感盈

毗陵舟中遣興二首

淒清時卷幔一水夜迢遙草露飛斜月蘋風淨  
早潮商歌時自斷楚客恨偏饒不悟隨南斗幽  
憂日未消

二

大火將西陸微涼獨北還依然衆壑秀再度毗  
陵山新樹森柯後長江激映間何年復何事重  
此弄潺湲

入省退朝二首

不謂緣平素遭逢慶此生省郎才更拙侍從秩  
尤清白簡堪迂直青蒲荷聖明艱難方束手何  
以報昇平

二

鳳池清切地螭吻白雲司舉世推何事微臣寧

足辭片心亮難用直道不須疑自古哀時命臨  
風多所思

冬夜偶作八首

短日馳驅後明燈倍可親故山堪夢寐孤劍在  
風塵月暗鳴鷗集霜寒宮漏新立朝無寸補忍  
作未歸人

二

明主無能報冥心柰若何文章羞獻納嗜好憶  
煙蘿忽對回風歎頻吟鴻鵠歌涓涓竟非陋朝



夕自蹉跎

送同省侯君省墓併冊封秦藩

為有西封命誰言薄禁廷一朝粉署別萬里故  
山青舉燎開駢社還家哭白雲九泉堪蔭映馬  
鬣有新銘

秋夜蚤起

曉氣堪高爽科頭自倚楹秋河照飛鳥曙月伴  
清砧多少綸扉事堪嗟諫草成莫言鷹鷂忌雅  
志判躬耕

自秦中歸寓居順義雜咏二首

薄暮還淒楚山村處處青野雲時聚散木葉盡  
飄零鳥過尋栖宿鴻飛入杳冥孤懷誰復識沉  
醉問湘靈

二

不覺初冬盡幽栖自可尋人家煙火淡屋宇宿  
霾深日短堪垂幕樓高足苦吟采薇吾豈羨默  
坐有中林

古意二首

妾有流蘇錦，攜持白玉堂。誰能識左右，空自忤  
君王。箕箒忠難盡，蛾眉妬不忘。漢家中葉後，恩  
寵滿昭陽。

二

棄置還堪訝，容顏勝昔時。人情方共妬，君寵復  
頻移。鞠養嗟龍子，含羞別鳳池。琵琶真怨調，重  
寫漢宮詞。

望桃山作

寒日堪愁望，層山西北橫。桃紅數里隔，野黛半

天明。遠燒飄殘雪，輕嵐駐晚晴。莫言邊塞近，多  
少買山情。

郊居偶題二首

落日空崖靜，閒心滿碧雲。菲才宜放逐，世態太  
紛紜。孤燭人何倦，幽山夢不分。枋榆鳩雀志，鷹  
隼莫相聞。

二

崎嶇堪獨望，去住思情勞。詎解尋龍性，相隨作  
馬曹。土風重臘日，官態薄秋毫。何論囊垂罄，朝

朝醉濁醪

漳河新月和于文若

隱隱明新月城頭半杳茫重陰留大漠一點向  
清漳鳥散西河白雲開太室長馬蹄何忽促回  
首媿流光

雍丘道中

杳渺征途遠蒼茫暮不分遙山來野燒平地歛  
斜曛自照千林雪孤飛一片雲欲投何處泊默  
默逐鴉羣

湖中即事

日暮寒風起平湖萬里餘流澌含雪白殘照負  
水虛畚築嗟行役飄搖憶遠途客愁連朔鴈幽  
意共芟蘆

夕

獨向庭前立蕭然倚暮楹新槐含雨暗片月翳  
雲明懶向青春盡愁禁白髮生梁園聞短笛淒  
苦太多情

凌雲寺夜泊

日莫堪栖泊飄飄傍駟樓連天汎秋潦深夜宿  
蘆洲火照山城冷鍾鳴古寺幽相隨有鳧鴈何  
事任淹留

江津新月

萬里當清夜孤城客思生寒村依月影薄霧覆  
江聲病起吟偏苦愁多望自傾芙蓉堪駐泊真  
自媿南征

西川雜詩

終日思羈旅無聊對晚晴吏人還自散山鳥復  
群鳴雪覆蛾眉淡春催江水清故鄉千萬里搔  
首不勝情

二

萬里橋何在潺湲江色來野花寒逾豔古樹霧  
難開莫向君平卜還思蜀相才行吟更何事短  
笛有餘哀

三

苦憶征書急驅馳蜀道頻龍蛇寧敢賦鹿豕尚  
堪尋古戍飄清角春江泛白蘋愁深還獨寐感

激夢魂新

四

物色還堪歎淒涼秋欲分芭蕉吟晚露蘆荻宿  
寒雲不惜征需急誰知簿領勤悲吟看婦病歸  
思正紛紜

次合江

終歲常行彼孤舟幾復經水寒春峽黑草凍暮  
山青鼓吹回空浦旌旄貯野垆使君浮泊久浪  
跡不還寧

冬日渝州即事

歲序經將盡空悲物色頻倦遊知己少多病客  
愁新寄遠思芳草論功媿積薪還應隨絳灌負  
弩向時人

壬寅除夕書懷

奄忽年華盡風光應復春貂裘空自敝故劍久  
生塵殘雪明孤館寒煙媚四鄰宦情真可歎不  
復恨沉淪

次巫峽

數峰真可辨萬仞自嵯峽  
淨綠臨寒水青冥散  
絳霄潮平分樹木風合響  
漁樵詎復從雲雨仙  
靈何處邀

二

萬里春烟合孤舟向杳茫  
連山引巴蜀積水通  
荆湘暮雨疑神女雄風怯  
楚王風濤渾見慣辛  
苦出江鄉

初春戲題

到處春光好無憑自醉吟  
和風回曲逕烟靄覆  
平林把釣魚堪得披蓁芝  
易尋鄰坊甚相習樽  
酒數過臨

二

不謂南征後猶從北郭遊  
風塵應字笑春色正  
堪留雲漲迷羣鴈湖清汎  
數鷗乘閑偶相思何  
物是滄洲

葬亡妻於燕子坪賦悼亡三首

忽忽情如失綿綿恨轉遲  
荒涼埋白壁沉痛絕  
朱絲燕鵲來銜土蛟螭自  
勒碑九泉還對面嗚

啞吐清澌

二

自媿孤踪拙，追隨可逐群。  
艱難酬薄命，辛苦遠從軍。  
長判心期合，甘從生死分。  
一哀寧足惜，千恨滿寒雲。

三

十年羞出牧，愁苦自難任。  
眉嫵堪同好，頭顱共此心。  
古鏡通幽魄，哀鴻啞好音。  
將雛復何處，痛絕向孤衾。

舟

冬日入眉山

不辨驅車處，蒼茫欲暮時。  
雨聲連玉壘，江影著蛾眉。  
分鷁還難住，褰帷多所思。  
舊遊堪汗漫，真自媿臨岐。

二

握節還麾，服名都亦股肱。  
大江來漢沔，孤棹向嘉陵。  
風地隨時異，霜威自昔稱。  
秋來應肅殺，處處看飛鷹。

胡燕

胡燕來何處翩翩只自飛空巢寧足戀短翮苦  
思歸江海心常在雲霄望已微無勞鷹鷂力雅  
志故無違

二

迢迢離海畔歲歲到江濱自媿飛翔少誰憐羅  
網親啣花香易斷帖水態還新不恨簾櫳晚甘  
心報主人

人日立春

甲辰

迎氣還孤立青陽忽指寅新年傳太史人日叶

芳辰霽色消寒氣晴烟媚早春佳時難並得行  
樂莫辭頻

春日同諸公游雲臺觀

只道春游好相隨出錦城空潭水尚涸平野草  
初生白玉仙壇古黃金法界明蒼茫見笙鶴何  
處是蓬瀛

二

尋幽來浩劫杖屨入仙家野草迷空地山蜂聚  
晚衙翠珉刊往業碧竇泛新花主人能好客不



惜醉流霞觀有蜀內史神道

歸田四首

不恨歸來晚空園尚未蕪老親仍復健病態漸  
能蘇雞犬偏相識桑麻更自鋤誰言近南廓踪  
迹似潛夫

二

行色堪憔悴閒門人獨歸數年從倦旅一旦解  
朝衣香草連鄰屋愁霖滿帝畿還將捧椒喜長  
日向庭闈

三

薄劣堪歸計非關慕隱淪羞言負明主徒自戀  
慈親弓劍風塵舊梧楸雨露新一尊稱壽罷未  
覺故山貧

四

拙宦應吾事歸心未敢言自從南國後更憶北  
堂前村樹連邊月山雲隔蜀天有懷驚未已秋  
色滿鷹鷂

病中示吳宜僕

潦倒誰能問幽懷正索居愁霖十日後多病九  
秋餘不耐比隣酒其如連屋書迢遙雞黍約之  
子欲何如

寄人

數日還幽閒空林興不忘尺書題復懶吟歎意  
偏長晚雪梨猶在凝霜橘正香招邀良未易一  
倍惜年芳

白石橋贈人

崎嶇西村僻歸來日未醺全低山樹影不散野  
鷗羣積水搖青嶂寒空匝白雲前溪有漁父叫  
嘯適相聞

薊丘集卷之二十一

薊丘集卷之二十二

薊丘王嘉謨伯俞 著

門人關中盛以弘子寬

友人濱州王文運子相

弟 嘉詔奉孺校

五言排律三十五首

贈張制府尚甫先生十一韻

元戎深 帝眷廟筭盡戎機  
金版承天府陰符  
降太微身當 明主契人仰  
令公威麟鳳膺期

是熊羆入夢非歌謠行海畔節制靜邊畿舊業  
鯨鯢定先殲烽火稀民和秋更靜塞迥草全腓  
機審籌多豫才高興不違雍容頒羽檄談笑卷  
戎衣情洽交蓬屋詩成類采薇北門鎖鑰重日  
聽凱歌歸

遊集慶寺

浩劫丹梯迥陰崖紺宇偏琉璃開四際珉翠對  
三玄梵唱林中出空香雲外懸清煙金刹影斜  
日雨花天鵲宿庭梧裏龍歸古澗邊珠璣居士  
服芋粟野人田山果充晨供巖松記歲年地偏  
負陵寢窓迥俯幽燕飛錫時時到幽人何處  
旋

寄李君太史

登朝螭閣近視草鳳池空何事年偏少誰能技  
更工神仙料天骨卿相信人雄緩步歸丹闕垂  
鞭出禁宮輝光留壁府神色倚崆峒懸市千金  
裏藏山萬卷中川陵還在望雲物隔難通易水  
千江北衡陽萬嶂東何時共酒宴激賞向芳叢

東門李司隸園亭宴集

東門擅佳麗，綺構信神畿。十里緣丹壑，千家向翠微。亭臺多秀色，春日足清暉。羣樹連牆隱，新花遶屋飛。寒芳淪水壑，香霧壓行幃。洞古留殘雪，庭空澹夕霏。繁根紅藥艷，染露紫梨肥。坐久孤雲住，簾開一鳥歸。葭葦出漁父，金翠舞江妃。縱酒偏宜暮，邀歡自不違。誰能問驪駕，松竹更依依。

冬初即事贈潘曆史子政十二韻

佳氣協三正，玄陽歛百靈。幽燕風更勁，畿輔晝常冥。詆蕩天門啟，清明御座扃。鳴珂瞻盛世，樹羽肅朝廷。南正官司得，東風民物寧。馭龍合暢月，職鳳見珠星。智以推千歲，術猶本六經。清心察雞乳，先筭契仙莫。莫謂成朝隱，翻疑有獨醒。稀疎頭漸白，調笑眼終青。知己羞胸臆，論文得典刑。沉淪應見笑，寂寞草玄亭。

歲暮禱興十韻

空堂木葉盡，夕日怯冰澌。晝短堪愁卧，情孤慚

自披林園饒古意薄宦見心期白社誰為主青  
山常若茲一杯招近局三戶奉先祠名羞華競  
得官任世情為殘雪寒城暗昏鴉鼓角遲乾坤  
容拙宦今古悵新知老驥歌偏苦伏龍志可悲  
閒暇非我事縱酒更何疑

偶題

家臨平樂觀世掌羽林軍卜築非求靜乘閑頗  
好文林皋恣偃蹇魚鳥共紛紜櫺具私憂國松  
苓資事君人咸推恬澹吾亦厭塵氛壯歲憑何

物幽期負所聞粗踈羞樸漱藻績失風雲微祿  
悲方朔昼貧笑子雲幽憂懷鹿豕真自媿離羣

馬驃騎水東先生潘曆史子政見過留

飲

敞幕英賢聚緹帷覆草亭清堪傲吏氣德識老  
人星濁酒輸三雅雄談領六經餘花猶籍地襍  
草尚聞馨踈露千林白寒雲雙闕青貧窮伏幽  
契耆舊媿忘形應惜臨風月軒車為久停

溝溝崖

崖在 昭陵北深山疊嶂秀石緣空三十  
餘里悉復石攀葛始達山巔清流繚繞於  
石間竒樹揚芬於巖側漂渺生霞淒清澗  
沫復有蘭若數區則素心之人於焉栖處  
誠人域之仙都山川之甲秀也會家 大  
人視工具述下教聊題鄙什

靈丘不在遠攬勝白雲鄉一氣仙山近千秋福  
地長雲霞呈有象巖險鎮非常沙嶼黃金聚平  
林翡翠光嵯峨時可度窈窕勢翻長苔滑和風  
滿花明永日涼叢篁涵地脉積雪湧山光蒲有  
仙人採盆疑玉女漿琳琅耀靈府翠璨照疆場  
習坎寧求止探竒興不忘南陔雅詠罷仰止意  
蒼茫

有懷蘇五秀才

士有懷和玉憑誰報 聖君年來渾逐俗老去  
更脩文世事容蓬鬢生涯寄白雲真脩追鄭谷  
書法得羊欣家僅留空壁人爭寶練裙淒其絕  
利達瀟灑出塵氛交態翻堪笑思情真獨勤秋

林頻悵望月鴈自離羣山至石經合川因寄水  
分寄懷無復道砧杵遠相聞

閑居三首與弟奉孺作

多病憑誰省清時有獨醒粗疎丘壑性留滯草  
堂靈雲物三秋白山巖百仞青杯香取比市綵  
舞滿中庭池影懸如蓋嵐光翠作屏松篁夾冠  
帶膏乳養仙齡隣里多三老清談悉六經時從  
析疑義不訪草玄亭

二

名譽看前輩風流感昔時誰能識鳳德舉世笑  
鷓夷竹石明清曉樓臺得水涓青山情易足黃  
閣慮頻移無心陋巢許有事許皋夔隔戶雲峰  
積憑欄鳥韻遲濯纓良自負把酒一相悲漫對  
西山色披襟誦楚辭

三

泠泠泉影碧滿座聒幽禽宄辨千流色池空萬  
里心九門鳴柝急雙塔拂雲沉歌案詩書積迎  
門草露吟辟疆園有竹陶令室無琴細雨松濤



蘇軾集 卷之二十一  
白秋河霜鏡深歡言棠棣並憂獨樹萱任誰謂  
商歌苦幽懷良有欽

徐侍御董比部共宴王內史園亭

畿甸饒清曠園亭接帝居詞林集軒冕高賞  
寄樵漁池籞晴光溢簾櫳夕氣踈疑駟繫庭樹  
環珮隱堦除香氣來仙鳥歌聲出壑魚天厨櫻  
熟後勝地麥涼初經術看晁董高文仰應徐冲  
襟關恬淡麗藻薄玄虛眈眈光巖穴吹噓逮櫟  
樗羞言向明德情竭更踟蹰

余司隸本甫昆仲共集薛衛尉園亭池

上作

畫戟森前列鳴珂集上闌渚官圻城畔翠幄敞  
庭端緹騎明村落簪纓映樹檀靈源二潞瀉空  
翠九門寒花鳥春將晚山川雪後看席移時籍  
草觴薦半調蘭選勝何須遠興言自可歡淒清  
鳴澗壑掩映向衣冠日永宜酣暢人幽信曠觀  
會心還自失寂寞獨憑欄

送表兄從軍一首

遼海元名郡，雄藩輔帝京。  
犬牙從地勢，虎踞本天成。  
萬里連亭障，三時偃旆旌。  
訐謀承御幄，勝筭有長城。  
籌策材官集，軍需井稅征。  
幕懸草正綠，烽舉水初生。  
戀別燕雲白，離愁塞月明。  
知君多偉畧，莫自負生平。

寄贈李提調

左鉞頒天闕，銅章出帝畿。  
地分山作鎮，天塹水成圍。  
黍谷春偏早，黃花鴈不歸。  
虎文金飾箭，毛幕篚裁衣。  
塞月交河落，胡沙大漠飛。  
風塵而戰罷，辛苦寸心違。  
投筆功難就，聞笳淚屢揮。  
和戎多上策，取次慎兵機。

祠東皇行宮求嗣

青帝神宮迥，高居接絳霄。  
四時疑出狩，萬里望招搖。  
王氣高秋盛，靈光羣帝朝。  
雲衣森會合，月殿遠迢迢。  
繡栢明虛曠，華燈隱寂寥。  
仙童時捧盃，玉女夜吹簫。  
圖壁看秦望，江山辨斗杓。  
燕禱占法錄，鳳曆改玄枵。  
香遶芝幢密，霞浮瑞莢驕。  
何當獲靈契，搏拊對簫韶。

送宗練師歸海豐

壺中方畧市海上忽還鄉莫是山林性寧知離  
別長蘿衣隨曉露家室問征航秋雨添河瀆陰  
風下太行安公不鑄冶韓衆久營糧縮地雲臺  
近藏山松逕芳神泉獻魚腹金洞養砂牀買斧  
輕朝市弛檐笑廟廊青山見巢許白首共羲皇  
倘遇浮丘鶴幽期慎莫忘

賦得日南珠贈許用一子偉

海色疑明月琳宮寵碧煙水心應百折天外有  
孤妍瘴雨春常早滄波日更先胎還欺紫貝光  
自媚丹淵翠積金苔閉寒收桂魄偏殷華萬國  
仰文采百年傳地迥瞻佳氣身微託大川驕花  
迎漢帝威鳳識名賢咳唾綃堪織規隨壁更圓  
炎天饒苦霧赤水濯清漣照乘陰精溢編星瑞  
氣鮮不憐萬里遠應為中興年

孫氏別業與殷從事共賦

幽薊雄襟帶山川勝洛中主人渾好客開宴近  
芳叢竹塢含靈液蘿軒寫碧空玉峰樓聚雪金

穴樹含風果脆初回綠，杯香半染紅秋容。迴斲  
黼夕氣感絲桐，高論談天辨清才。擅國工何能  
競石室，冲賞逮微躬。

署中齋居八韻

清切隣丹地，氤氳接紫微。圖書誇禁苑，蘭蕙  
變朝衣。鐵鳳連牆密，銅龍入戶稀。雲寒倚蓋聚，  
星動使車歸。畫諾仍無事，論心自不違。風流題  
漢柱，恩命藉皇威。坐泛紅蕖艷，行看瑞雉飛。  
相如差抵病，真勝偃岩扉。

贈孫負外

丹陛頒新渥，西曹得士芳。天行應肅殺，之子擅  
清郎。三接連貂珥，孤踪謝鴈行。霜威迴禁闥，風  
采想朝陽。簡牘含濡露，恩情若採湯。遷鶯人共  
悅，振鷲道難忘。輕典天朝得，高名仙署香。徒因  
仰崧岱，頌德不成章。

送人使秦藩便道還蜀八韻

承明通寵錫，建禮睦懿親。螭節頒仙閣，皇華出  
使臣。山川鶉首應，地勢犬牙隣。鄠杜星垂蜀，汧

涇樹轉秦輜車寒草籍真玉雪華新炳燹開青  
社恩光望紫宸歸途涪水近魂夢隴山頻習禮  
當冠鞞遙知服遠人

贈朱醫令汝脩二十四韻

海內論才俊幽栖覺爾賢雲霞十載卧雕績萬  
人傳鏡徹標高致淵澄託太玄清心同豹隱麗  
藻脫魚笮驚座扶風裏和歌燕市前誰為伯樂  
矐自有祖生鞭大曆堪殊步詞場頓秀先芙蓉  
去凋飾翡翠戲清鮮總怯神龍力真看玉佩娟

秀嘉州人貌似恬澹道心全握手王公屈披襟英  
哲連鹿應思羨草刀豈漫腥羶多病常愁劇微  
官久不遷膏肓入泉石臭味化蘭荃悟性廬山  
枳謀生谷口田桃椎羞避世薊子擬登仙跬步  
泥塗絕才名星日懸緬余信樗散仰接幸珠聯  
傾蓋新知樂題輿素望駢風襟披霧露咳唾墮  
雲煙世態堪三歎同心若比肩迷途何足惜宿  
好亮難蠲前拂宜持鑑飛揚媿杜權依依編紵  
意相對付朱絃

題黎司倉別業

蒼茫烟水濶棟宇隔山巒瀑布飛堦砌松蘿覆  
曲欄金巖向西峙清潞直東看避世猶供稅投  
閑早挂冠容來渾取醉老去更邀歡野鳥層巢  
碧溪林落葉丹松陰先入夜山色自生寒卜築  
從何日成隣應自難

城南郭衛尉別業遊眺

帝里東南境春晴四望分笥溪十丈水芹嶺萬  
重雲板屋苔常碧荒田耨乍焚雪殘明鴈陣溪  
曙著鷗羣野老還爭席山人自羨芹無心地更  
僻漫興酒初醺石坼松根密村空竹露聞芳樽  
偏澗艷枕席更清芬命駕堪乘興留賓慙獨勤  
瓜田隨處是真羨故將軍

送林衛尉葬至犢子村

古賢不復見朴茂獨何人一慟青山近千年白  
首新陶潛有妙理桑扈返天真世事憑沉昧風  
期有屈伸漁樵留舊德緹騎作誠臣祿薄纔升  
斗身藏絕里隣桑麻遠膏潤芹絮苦艱屯大漠

愁雲結三城寒樹春鶯花殘露竹松鶴戲溪蘋  
岡隱青龍色用陳蕃事見南康記旒垂白馬塵九方誰識相  
三徑不言貧永念傳經好臨風淚滿巾

春盡

自別青山側還叨金馬門同心與世少宿契幾  
人存白日銅駝列青雲翠鳳蹲賣金羞作賦拖  
玉念乘軒不寐看雄劍悲歌對酒罇非玄安薄  
官歸隱媿招魂海氣明東郭天山護北門宜春  
柳遞發太液水爭喧楓樹片心隔蘼蕪雙淚痕

何須又執戟願請茂陵園

定州浮圖

跨雲天雨峻辨劫梵空盤日極中原暗春來大  
漠寒爐香采曲磴山翠積雕欄崛起珠光直浮  
沉畫水殘月分燕趙境雪入太行端信鼓空城  
應天花滿座看標高期自悟心曠邈殊觀淨域  
還疑滯尋真何獨難

登真定大悲閣

浩劫何年造金繩勝跡偏座開殊勝地香淨梵

王天丹腹真森絕神光共結纏報身應四大無  
相隔三玄戒體還珠鬢丹青有鐵船簾櫳浮魏  
博草樹照沱川石吐青蓮古龍藏白鉢懸八風  
何處動七尺靜中詮一自憐諸苦誰能息普緣  
坐來松露落真意若為傳

邯鄲呂翁祠

坐指邯鄲道沙鳴萬壑哀乾坤憑寤寐世代幾  
遭迴芝髓千秋在冠纓一旦灰麥秋疏亂馬櫻  
熟對孤杯獨往人無覺何年祠自開青琳應地  
闕華表更誰來握節塵容靜新梁夢思催遲回  
臨日暮神悟入塵埃

夜望銅雀臺有作

漢季風塵起伊瀍曆數窮磨奔爭武力狙詐犄  
英雄象魏天心讖平輿月旦工志無同蘊萃身  
擅自成功百戰親黃鉞三軍惣玉弓智謀爭附  
鳳道德歎非熊遺令傳何在荒臺跡自空比浮  
漳水壯岌業故宮崇谷熟還鳴雀林深不轉蓬  
歌吹何處歇愁望樹朧朧



謁老子祠

翬梁明建植玉雷宿青森祠廟還鄴衛精靈自  
古今道高行自邈吏隱跡猶崇太乙藏書室仙  
人九華林數椽歸有像一氣迥能臨何代無關  
尹當年託此心五千傳簡與一去永浮沉畫壁  
丹青古空庭苔碧深紫雲推甲子翠榜指庚辛  
跋涉看前輩烹瀟憶好音經傳誰更識身隱邈  
難尋養拙思玄牝優游良獨任

洛城書懷二十韻

鳴笳向何處亂樹隱高城跡與隋宮濶途分澗  
水清繁華無戚里竦峙有神京地軸崧河轉天  
文柳壁橫土風還綺麗人士舊簪纓並壘浮奔  
箭橫空疊翠屏王程天萬里倦旅月三更燎火  
連光起昏鴉歛翅鳴長征憚回首久客畏人情  
玉節應時日仙查隔海瀛恩深傷駑怯望苦戀  
躬耕丹柰潘園熟青梨張谷成倚欄憑夕景舉  
酒款新晴少壯元輸力官聯自有營空囊羞藟  
醬時祭感朱櫻跋涉成何事功名良自驚目窮

魚丘集 卷之二十二  
津濟永魂折雪山明抑志遺家室端居待友生  
栖遲旅况是歷覽壯懷平留滯還如昔誰言漢

使榮

時遲郭黃門不至

魚丘集卷之二十二終

